

مسکن

سر ۶ ۱ ۳۰ ۳ ۱

والله يهدي من يشاء الى صراط مستقيم دینی ، علمی ، ادبی ، سیاسی هفته‌ای مجموعه اسلامی در

اتبعون اهدکم سبیل الرشاد

صاحب و مدیر مسئول : ح . اشرف اریب

جلد ۱ - ۸

۵ نیسان ۱۳۲۸

پنجشنبه

۱ جمادی الاول ۱۳۳۰

عدد ۷ - ۱۸۹

عبدالرشید ابراهیم افندی حضرت ترمینہ آجیوہ معروضات

السلام علیکم .

حضرت ! « الجند جندان جندالوغاء وجندالدعاء » - عسکرایکیدر :
حرب عسکری ، دعا عسکری - حدیث شریفی معلوم فاضلانہ کزدر .
بوکون ابدیاً دشمنمز اولان ایتالیا جانوارلرینی معشوقه و جندانمز اولان
وطنمزدن طرد وتبعید ایتک اوزره طرابلس وبنغازی دارالحربنده
بولتان عسا کر ومجاهدین اسلامیه حرب عسکری ، بزده دعاعسکری یز .
روی زمینده موجود بوقدر میلیون اسلام ، اسلاملرک غالبیتی ،
دشمنمزدن مغلوبیت ومقهوریتی اوغرندده هر زمان جناب حقده دعادن ،
استرحامدن خالی دکدر . ذات فاضلانہلری بنغازی دارالحربنه کیتدیکز ،
اوراده اسلاملری تشجیع وغزایه تشویق ایتدیکز ، احتمال که : برقاج
محاربهدهده بولندیکز ؛ برحرب عسکری اولوق شرف وفضیلتنه نائل
اولدیکز . بوندن بشقه اساساده بردعا عسکری ایدیکز . بوندن طولای
رسول اکرم اقدمزک عمجه زادهلری حضرت جعفره «رضی اہ عنہ»
غزوات حضرت پیغمبرینک اکبویوکلرندن اولان «موتہ» محاربهسندده
ایکی قولی کسیلہرک شهید اولدیغندن «ذوالجناحین» وصف جیلنی
اعطا بویوردقلری کی سزده بو وصف ایله توصیف ایدلمکه بحق
سزا اولدیکز . حرب عسکری ایله دعاعسکری حضور الہیہ
افضل الاعمال احمرها - حدیث شریفی اقتضاسنجه اجراً وثواباً سیان
اولہماز . هر حالده حرب عسکریک عتداء موقعی دها مبعجل ودرجه سی
دها مکرمدر . «موتہ» غزاسندده بالذات رسول اکرم اقدمز اصحاب
کرامنی مستصحباً عودت بویوران غزات اسلامیه نی استقبال بویوردقلرینی
بیلرسکز . «موتہ» محاربه سی ده طرابلس محاربه سنک همان عینی کیدر .
عسا کر اسلامیه نک ازلفی ؛ فقط زید بن حارثه ، جعفر طیار ، عتداء
بن رواحه ، خالد بن ولید کی کرک فن حرب ، کرک متانت وحیت
دینیہ نک بررتمثال مجسمی بولتان غزات وامرای اسلامیه نک موجودیتی
جهتندن طرابلس محاربه سنه بکزه مز می ؛ «موتہ» محاربه سندده دشمن
اردوسنک چوقلغیله بودفعه کی ایتالیانلرک چوقلغی ، فضله اولہرق
آلات ووسائل حربیه مزک هر حالده دشمنکنکه نسبتله ازلفی ؛
فقط انورلر ، فتحیلر ، نشترلر ، موسالر ، ظافرلر ، ادھملر کی حیت
مجسمه ووطن عاشقلرینک اوراده اولماسی جھیلہ شوایکی محاربه حقیقه
بری برینه بکزه تیلہ بیلر . جناب حق جملہ سندن وجملہ کزدن راضی
اولسون .

محاربه یه کیدن غزات اسلامیه نی رسول اکرم اقدمز حضرتلری
تشجیع ، عودتدهده استقبال بویوردلردی . بو عادت مستحسنه الان
مملکت مزده جاریدر . کچکی یونان محاربه سندده مسقط رأسم اولان «بور»
قصبہ سنک عسا کر ردیفه سی طویلاندی . اھالی جملہ ایکی ساعتک
مسافہ یه قدر تشجیع ایتدیلر ، عودتدهده استقبال ایتدیلرسندده -
فخر کاشات اقدمزک «موتہ» محاربه سندن عودت بویوران غازیلری

استقبالده حضرت جعفرک شهادتنه فوق العاده اسفناک اولوب مشارالیهی
غزات اسلامیه آراسندده کورمدکلرندن مخدوملری عبداللہ بن جعفرک
یوزینہ باقدقجه تأثرلرینی ضبط ایدہمہ یه رک چشم منور جناب رسالتینا .
ھیلرندن اشک تأثر دوکدکلری کی - وفات ایدنلرہ ، شهید اولانلرہ
آغلامشلردی . بنم ایچون اوکونلری اونوتمق ممکن دکدر .

حضرت ! حسب الضروره سزی استقبال بنجه ممکن دکل . ممکن
اولمادیغندن شو آچیق معروضاتملہ غزا کزی تبریک و برشی دھا رجا
ایدرم . اسعافی قولای اولدیغندن دریغ بویورمایاجغکزہ امینم :
سبیل الرشادک اوچنجی نسخہ سندده دارالحربہ ناصل کیدہ بیلدیککزی
بوابده اقتحام ایلدیککز مشاق ومزاحمی تقریر بویور بیورسکز .
طاطلی طاطلی او قودم . ھلہ «موتہ» غزاسنک سیف الہی حضرت
خالد ایسہ طرابلس محاربه سنک سیف الہی توصیفه کسب
استحقاق ایدن انور پاشا حقندہ کی جمل تقدیر کارانہ کز بنی
افتخارلرہ ، غبطہلرہ غرق ایلدی . بویوخلری او قودقجه مجاہدینہ
دعالر ایلدم . نہایتندہ برقاج موعظه دھا تقریر بویورده جغکزہ دائر
وعد فاضلانہ کز بنی دھا زیاده ممنون ایتشدی . «الکریم اذا وعد
وفا» دکلی ؛ سبیل الرشادده انور پاشا حقندہ عرب قرداشلرمن
طرفندن تنظم ایدیلن قصائد بلیغہدن بر ایکی نمونہ ایله قارئلرکزه
برقاج موعظه دھا تقریر بویورمکزی حیت مسلمہ کزدن انتظار
ایتدیکمی بیان وعفو عالیکزی رجا ایدرم حضرتم .

تمہ : شو کونلر شانلی اردومزک نواقصندن بری اولان «طیارہ
فیلسفی» تشکیلی حقندہ لہ الحمد اھالی مزده فوق العاده شوق وهوس
کورلمکدهدر . ایراد بویورده جغکز موعظہلرده سامعیندن مناسب بر
اجرت آلئیرده «طیارہ» اغانہ سنہ ویریلیرسہ دفتر حسناتکزه برضیمہ
فائقہ دھا ایفا ایدلمش اولور .

صامسون : اعدادی معلملرندن

حسن روحی

سبیل الرشاد . - بوضرہ ده علمی قونفرانسلرده - سیاسیاتہ
تحلیلر ملاحظہ سیلہ - ادارہ عرفیہ طرفندن منع اولندیغنی جھتلہ
حضرتک ویرہ جکی قرارلشدیریلان بیوک وعمومی قونفرانسلر
بالضروره تأخیر اولنشددر . مع هذا حضرت بعض قلوبلرده خصوصی
قونفرانسلر ویرمکدهدر . شمدی ده ارکلی اھالی کرامی طرفندن
دعوت اولندیغنی جھتلہ اورایہ عزیمت ایتشلرددر . ان شاء اللہ
عودتلرنده دارالحربہ عائد خاطرانی تقریر ونشر بیورده جغلردر .

«سبیل الرشاد» جریدہ مخبرہ سی ادارہ علمیه

محترم محررین کرام ،

«کنتم خیرامة الناس تأمرون بالمعروف وتنہون عن المنکر»
آیت جلیلہ سنک کوزجلہ تفسیرینہ وبوامر جلیلہ اتباعاً امر بالمعروفده

بولسان بر کیمسه نك مسئول اولوب اوله میه جفی حقنده کی مطالعه
علیه لرینک اشعارینه هم علیه لرینی رجا و نیاز ایله طریق ارشاده
موقیاتکزی الطاف خدادن تضرع ایلم. باقی نائل سلامت اوله سیکز
عزیزلر . بابا اسکیده ردیف ملازم اولی

محمد علی

سبیل الرشاد — ان شاء الله صرهم سی کلنجه بو آیت کریمه ده تفسیر
وایضاح اولنه جقدر .

مَطْبُوعَات

دولت علیه - ایتالیا محاربه سی

انکلتزه مطبوعات منهنه سندن اولان تایم سک عثمانلی - ایتالیا
محاربه سنه دائر اولان بیاناتی :

ایتالیانلرک طرابلس غرب ایله بنغازی موقعنده کی فعالیتلری ذکره شایان
برحاله دکدر . یالکز بومبارلی طیاره لرله عرب مجاهدلری اوزرینه آغقله
اکتفا ایدیورلر . مذکور طیاره لرک دردی شو صوک کونلرده مجاهدلرک
چادرلری خداسنه کلوب اون بر بومبا آتورق کری دونمشلدر . بومبارلرک
تأثیرندن انجق اوچ کیشی یاره نمشدر . بو کیدیشه ایتالیانلرک هیچ برشی
یاهمه جقلری بلیدر . شیمدی یه قدر ایتالیانلر طرفندن مجاهدله هیچ بر اهمیتلی
ضرر ایقاع ایدلمشدر . اگر ایتالیا بویه لکله طرابلس ایله بنغازی بی آله
کچیرمک ایستیورسه زیاده سیله یا کیلیور . مجاهدلرک سورانه وشجیعانه بر صورتده
قیزغین قورشونه کوکس کروب هر کون یکی یکی موقیتلر تأمین ایتدکلری
حاله . ایتالیانلر خیالات ایله غلبه ایتکی آرزو ایدیورلر . ایتالیانلر فی الحقیقه
قورقیوب مردلک ادعاسنده بولنیورلرک خصلرینه قارشو کوکس کرملری
ایجاب ایدر . ایتالیانلرک جبات و هزیمتلی کوردکجه عرب مجاهدلرینک
شجاعت و متانتلری کوندن کونه آرتقمده در . ایتالیانلرک بومبا قوللانلرینه
کلنجه ، بوده کلیاً مخالف انسایتدر . وطنلرینی مدافعه ایتک حسیان عالی
جنابانه سیله متحس اولان عربلری بویه خسیس وسیله لرله مغلوب ایتک
ایستین ایتالیانلره قارشو اظهار نفرت ایتکده در . عین زمانده عالم مدنیته
لایق بر قوم اولدقلرینی ایتالیانلر بوسورته اثبات ایتشلدر . عربلر ، یوکسک
سسلریله ملی شریقلرینی چاغیروب ایتالیانلره میدان اوقویورلر .

ایتالیا حکومتک سیاست و پولیتیکه سنی اوزون اوزادی یه تنقید ایتکدن
شمیدیلک صرف نظر ایدیورز . انجق میدان حربده کوسترمکده اولدینی
جباتلرینی یازمغه مجبورز . بونی کتم ایتکده معنا یوقدر . صحیفه لرمنله
قارئلرمنه واوروپا افکار عمومیه سنه ترکلره عربلرک حسیاتی تصویر و تعریف
ایلرز . بو خصوصده حاصل اولان یا کلش فکرلری تصحیح ایتک وظیفه ضردر .
هر حالده عرب و ترک قوملرینک عنعناتی بو فعالیت وشجاعتلرندن اکلامق پک
قولاید .

شیرین

دولت علیه :

مجلس مبعوثانک کشاری . — بالاسی امضای هایون جناب پادشاهی
ایله موشع مجاس وکلا مضبطه سنک صورتیدر : « قانون اساسی وقرار واقع

ایمانجه ۵ نیسان ۱۲۸۸ نارنجنده آجلمسی لازم کلن مجلس مبعوثانک تاریخ
مذکوره قدر اکثریت حاصل اولدینی حالده حضور هایون جناب پادشاهیله
کشادی بالاستیدان مقرون مساعده سنیة حضرت تاجداری اولمش ایدی .
انتخاب اولنان مبعوثانن خلیسینک در سعادت واصل اولدقلری و تاریخ مذکوره
قدر کلجکلرک یوزی تجاوز ایدیه جکی اکلاشلیمسنه نظراً اکثریت حاصل
اوله مدینی تقدیرده دخی رسم کشادک حضور هایون ملوکانه ده اجرایی سرهون
رأی عالی جناب شریاری بولندینی تذکر قلتمش اولمقله قاطبه احواله
امروفرمان حضرت ولی الامر افندمن کدر . « ۲۶ ربیع الاخر ۱۳۰۰ ۱ نیسان ۱۲۸۸

شریف شاهانه . — ذات شوکتسمات حضرت شریارینک بو کون
بعدالظهر ساعت ایکیده سرای هایوندن حرکتله مبعوثان دائره سنی شریف
شاهانه لری مقرر در .

نقل اوقاف . — بانچه قیوسنده کی حمیدیه سیلینک محل مذکور دن
قالدیریلرک زینب سلطان جامع شریفینک بولندینی محله نقل ایدیه جکی خبر
آلشمدر .

لحیه سعادت . — اسکوبده کائن سلطان مراد جامع شریفنه جامع
مذکور خطیبی احمدیجان افندی وداعتیله لحیه سعادت حضرت پیغمبری ارسال
ایدلشدر .

بفرار دارالفنون . — بغدادده اعظمیه ده اعطاییدیلن مساعده اوزرینه
انشاسی قراریدن دارالفنون رشدی واعدادی قسملری ده ادخال ایدیه جکی ،
رشدیه نك برنجی صنفندن اعدادینک صوک صنفنه قدر برشعبه مخصوصه ده لسان
عربینک قواعدی . ادبیاتی والحاصل کافه تفرعاتی ، تدریسات دینیله ایله برابر
تعلیم اولنه جفی ، دارالفنون لیلی ونهاری اولوب صنوف عالیه قسمنده کی طب
وحقوق شعبه لرندن بشقه احکام قضا دخی موجود بولندیریلرک جفی وخطه
عراقیه نیابتلرینه نواب قسمنندن مأذون اولنلر تعیین ایدیه جکلرینی بغداد
غزته لری یازیور .

بفرار - کویت شمندر و فرطی . — بغداد - کویت شمندر و فرطه
متعلق تدقیقات ابتدائیه بی اجمال ایتک اوزره لوندره ده اعزام اولنان خارجیه
حقوق مشاوری رشید بک وظیفه سنی ایفا ایلشدر . بناء علیه بوهفته طرفنده
موی الیهک استانبوله ورودینه انتظار اولتمقده در . لوندره سفیری توفیق پاشا
سیر ادوار غره ایله مذاکرات قطعیه کیریشمشدر . مذاکرات متقدمه نك
مساعد بر صورتده وحکومت عثمانیه لهنده جریان ایتکده اولدینی اوروپا محافل
سیاسیه سنده تأمین ایدلکده در .

همجازه امن و آسایش . — مکه امیری حضرتلرینک هممات مصروفه سیله
خطه مجازی نك هر طرفنده امن وآسایش کرکی کبی حکم فرمادر . حکومت
عثمانیه مأمورلرله شریف حضرتلری آره سنده وفاق تام موجوددر . قبائل مجازی نك
التماسی اوزرینه امیر حضرتلرینک مخدومی شریف فیصل بک جده مبعوثلغنه
انتخاب اولندینی کبی ، سابق مکه مبعوثی شریف عبده بک ده مکه مبعوثلغنه
یکیدن انتخاب اولمشدر .

مکه امیری رسیم ادریس . — المؤید غزته سنده اوقوندیغه کوره
مکه امیری حضرتلری شرفادن بعضلریله کندی مخدومی شریف فیصل بکی
معینده کی (پشه) عسا کردن بیک نفر ایله (قنفده) جهتلرینه اعزام ایتک
قرار ویرمشدر . بونلر سید ادویسک علیهنده قیام ایدن من قبائلیله قوای عثمانیه
التحاق ایدیه جکلردر . بو آنه قدر عسیر قبائلی طرفندن حکومت عثمانیه یه قارشو
تمامیله اطاعت واتیقار آشاری کورلشدر . قبائل مذکوره مکه امیریه بیلرلنده
منعقد اولان شرائط عهده حریفاً رعایت ایلکده درلر .